



ЁШЛАР ТАШКИЛОТЛАРИ ВА МАҲАЛЛА ВА ОИЛАНИ ҚЎЛЛАБ- ҚУВВАТЛАШ БОШҚАРМАЛАРИНИНГ ТАДБИРКОРЛИКНИ РИВОЖЛАНТИРИШДАГИ ЎРНИ

Раупова Махбуба

*Наманган вилояти касбий таълимнин ривожлантириши ва муофиқлаштириши
ҳудудий бошқармаси*

*Тўракўргон туман 2-сон касб-ҳунар мактаби
Махсус фан ўқитувчиси*

Аннотация: Уибу мақола бугунги кунда Ўзбекистон Республикасида ёшларни иши билан таъминлаш ва улар ўртасида тадбиркорлик фаолиятини кенг йўлга қўйиш чора тадбирларини амалга оширишда Ёшлар ташкилотлари ва Маҳалла ва оилани қўллаб-қувватлаш бошқармаларининг ўрни, уларнинг мақсад ва вазифалари тўғрисида.

Калит сўзлар: кичик бизнес ва хусусий тадбиркорлик, “боқимандалик” бандликни таъминлаш, касбга йўналтириши, ёшлар тадбиркорлигини қўллаб-қувватлаш, меҳнат бозори, оиласиб бизнесни ташкиллаштириши ва ривожлантириши, ёшлар туризмини ривожлантириши, ёшларнинг ижтимоий-иқтисодий фаоллигини ошириши.

Ўзбекистон республикаси мустақилликка эришгандан сўнг тадбиркорлика катта эътибор қаратди. Мамлакатимизда кичик бизнес ва хусусий тадбиркорлик, айниқса, ёшлар тадбиркорлигини ривожлантириш устувор вазифалардан бири бўлиб, соҳа ривожида ёшларнинг муҳим ва салмоқли ҳиссаси бор. Бугунги кунда ёшларда тадбиркорлик қўникмаларини шакллантириш, уларнинг бизнесфояларини қўллаб-қувватлаш ҳамда имтиёзли микрокредитлар билан таъминлашга кўмаклаши, уларни тадбиркорлик фаолиятига кенг жалб этиш орқали қулай ишбилиармонлик муҳити яратилмоқда. Бу эса ёшлар бандлигини таъминланиши, моддий фаровонлик ва иқтисодий мустақилликка эришилишига, “боқимандалик” кайфиятининг “замон биланхамнафаслик” рухига ўзгаришига олиб келмоқда.

Ёшлар жамиятнинг энг фаол қатлами ҳисобланиб, улар ижтимоий ҳаётдаги ўзгаришларга сабаб бўладиган, бунёдкорлик ғояларини ҳаётга татбиқ этувчи энг салоҳиятли кучdir. Ҳаракатлар стратегияси доирасида “Ёшлар – келажак бунёдкори”, “Обод қишлоқ”, “Обод маҳалла”, “Ақлли шаҳар” каби кенг камровли дастурларни амалга оширишда ташаббускор, ҳар бир масалага янгича ёндашадиган ёшларнинг иштирокининг таъминланиши ҳам бежиз эмас.

Маиший хизмат кўрсатиш, сервис хизмати, трикотаж маҳсулотлари ишлаб чиқариш, қандолат ва озиқ-овқат маҳсулотлари ишлаб чиқариш технологияларини ривожлантириш, асаларичилик, паррандачилик, балиқчилик ваа бошқа турли хизмат кўрсатиш тармоқларини ривожлантириш соҳалари ривожига катта эътибор қаратилмоқда. Амалга оширилаётган ишларнинг икки муҳим жиҳати эътиборли,

яъни биринчидан, ёшларни касбга йўналтириш, ҳар томонлама замонавий, малакали кадрлар сифатида тарбиялаш, иккинчидан, ёшлар бандлиги, уларни иш билан таъминлаш, ўз бизнесларини юритишлари учун қулай шарт-шароит яратиш.

Ёшларни таълим билан тўлиқ қамраб орқали бандликни таъминлаш муҳим ўрин тутадики, замонавий техника ва технологияларни эгаллаган, бозор иқтисодиёти, хуқукий давлат мазмун-моҳиятини тушунган малакали кадрлар эртанги куннинг ҳал қилувчи кучига айланади. Ёшларни касбга йўналтириш орқали ёшлар ўртасида хуқуқбузарликнинг олди олинади, шунингдек, ёшларнинг келажакка ишончи мустаҳкамланади.

Ёшлар бандлиги ижтимоий барқарорликнинг муҳим шартидир. Аҳолисининг 60 фоизини ёшлар ташкил этган мамлакатимизда ишсизлик муаммосини бартараф этиш, ёшларни ҳар томонлама қўллаб-куватлаш, ёшлар бандлигини таъминлаш, кичик бизнес ва хусусий тадбиркорликни янада ривожлантириш учун ҳукумат миқёсида амалга оширилиши лозим бўлган долзарб масалалар қўйидагилардир:

--- ёшлар тадбиркорлигини қўллаб-куватлаш, уларнинг бандлигини таъминлаш янги иш ўринларини яратиш соҳасида иш олиб бораётган давлат ва нодавлат ташкилотлари билан ижтимоий ҳамкорлик алоқаларини йўлга қўйиш;

---кичик тадбиркорлик субъектларига, фермер ва дехқон хўжаликларига, оилавий тадбиркорлик билан шуғулланувчи ёшларнинг шахсий томорқа ва дехқон хўжаликларида ишлаб чиқаришни ривожлантириш мақсадида иссиқхоналар ташкил этишлари, уруғликлар, кўчатлар, чорва моллари ва паррандалар, қишлоқ хўжалиги асбоб-усқуналари, суғориш мосламалари (насослар, артезиан қудуқлари ва бошқа.) харид қилишлари учун микрокредитлар ажратиш;

---Ишсиз ва банд бўлмаган ёшларни меҳнат бозорида талаб юқори бўлган касблар ва мутахассисларга профессионал ўқитиш учун қисқа муддатли курслар сонини кўпайтириш ва сифатини ошириш;

--- оилавий бизнесни ташкиллаштириш ва ривожлантириш, бозор, талаб ва таклифни ўрганиш, шунга қараб маҳсулот ишлаб чиқариш, майший хизматнинг янги турларини жорий қилиш, ички бозорни юртимизда ишлаб чиқарилган маҳсулот билан тўлдириш, оила бюджетини шакллантириш, оилавий тадбиркорликни қўллаб-куватлаш орқали ёшлар ва аёллар, меҳнат билан банд бўлмаган аҳоли қатламишининг тадбиркорлик ишини йўлга қўйишлари учун қулай шарт-шароит яратиш;

---ёшлар туризмини ривожлантириш, туризм соҳасига инновацияларни амалиётга жорий этиш, туризмнинг замонавий турларини ривожлантириш бўйича ёшлар ташаббусини қўллаб-куватлаш;

---ёшларнинг ижтимоий-иқтисодий фаоллигини ошириш, уларни туризм соҳасига кенг жалб этиш, ёшларнинг туризм соҳасидаги истиқболли ғоялари ва лойиҳаларини амалга ошириш, хусусий тадбиркорлар, миллий ҳунармандлар, гидлар, экскурсоводлар ва йўл кўрсатувчи инструкторлар тайёрлаш асосида ёшлар бандлигини таъминлаш;

--коллеж ва олий ўқув юртлари битириувчилари, ёш аёллар, Ватанга қайтиб келаётган меҳнат мигрантлари ва аҳолининг заиф қатламлари орасида ёшлар бандлигини қўллаб-қувватлаш ва амалий кўмак бериш;

--ёш тадбиркорлар ва янги бизнес бошлиш ташаббуси билан чиққан ёшларни қўллаб-қувватлаш;

--ёш тадбиркорлар ўртасида ўзаро тажриба алмашиш ва ҳамкорликда фаолият олиб боришда бир-бирига кўмаклашиши учун шароит яратиш;

--ёшларга имтиёзли кредит олиш, ўз бизнес лойиҳаларини яратиш ва уни амалга ошириш бўйича маҳорат дарслари ташкиллаштириш, ёшларга хунар ўргатиш, “Устоз-шогирд” анъанасини тарғиб этиш, меҳнат ярмаркалари, “Бизнес саёҳат”лар, ўқув-семинарлари ташкил этиш.

Эътироф этиш ўринлики, мамлакатимизда олиб борилаётган ёшларга доир давлат сиёсати ва унинг амалий натижалари жаҳон ҳамжамиятида катта қизиқиш уйғотмоқда.

Ёшлар – эртанги кун давомчилари. Ёшлар билан боғлиқ муаммолари мавжуд бўлган ҳар қандай миллат ва давлатнинг келажаги йўқ. Ёшлар муаммоларини ҳал этиш мамлакатнинг ижтимоий-иқтисодий ривожланиши билан бирга мамлакат хавфсизлигининг кафолати ҳамдир.

Республикамизда мустақиллик йилларида бошқа соҳалар қатори иқтисодиётимизнинг таянчи ва суюнчигига айланиб улгурган кичикбизнес ва хусусий тадбиркорликни қўллаб-қувватлаш, уларнинг фаолиятини рағбатлантиришга катта эътибор бериб келинмоқда ва бу борада ёшларга қаратилган эътиборнинг ўрни бўлакчадир.

Ёшлар тадбиркорлиги кичик бизнес ва хусусий тадбиркорликнинг муҳим сегменти ҳисобланади. Зеро, бугунги кундаги ёшлар, ёшлар тадбиркорлиги мамлакатимизнинг келажакдаги қиёфасини яратиб берадилар, бугунги ёшлар бизнесининг ривожланиши мамлакатимизнинг эртанги иқтисодий ўсиши ва ривожланишини таъминлайди.

Шунингдек, ёшларга қаратилган эътибор далили сифатида 2018 йил 27 июнь куни Президентимиз Ш.М.Мирзиёев томонидан имзоланган “Ёшлар – келажагимиз” Давлат дастури тўғрисида”ги Ўзбекистон Республикаси Президентининг ПФ-5466-сонли Фармонини келтиришимиз мумкин.

Унга кўра, мамлакатни барқарор ривожлантиришнинг энг муҳим шарти замонавий билим ва қўнималарга эга, мамлакатнинг муносиб келажаги учун жавобгарликни ўз зиммасига ола биладиган баркамол, мақсадга интилувчан ва серғайрат ёшларни тарбиялаш эканлиги таъкидлаб ўтилган.

Халқ фаровонлигини ошириш мақсадида “Ҳар бир оила – тадбиркор”, “Ёшлар – келажагимиз”, “Обод қишлоқ”, “Обод маҳалла”, томорқани ривожлантириш каби дастурлар қабул қилинди. Бу дастурлар аҳоли бандлигини таъминлаш, оиласалар учун даромад манбаи яратишга хизмат қилмоқда.

Ўзбекистон Республикаси Президентининг 2017 йил 17 ноябрдаги «Хунармандчиликни янада ривожлантириш ва хунармандларни ҳар томонлама



қўллаб-қувватлаш чора-тадбирлари тўғрисида»ги ПФ-5242-сон, 2018 йил 27 июндаги ««Ёшлар-Келажагимиз» Давлат дастури тўғрисида»ги ПФ-5466-сон Фармонлари, 2018 йил 26 апрелдаги «Фермер, дехқон хўжаликлари ва томорқа ер эгалари фаолиятини такомиллаштириш бўйича қўшимча чора-тадбирлар тўғрисида»ги ПҚ-3680-сон, 2018 йил 7 июндаги «Ҳар бир оила — тадбиркор» дастурини амалга ошириш тўғрисида»ги ПҚ-3777-сон ва 2018 йил 14 юлдаги «Аҳоли бандлигини таъминлаш борасидаги ишларни такомиллаштириш ва самарадорлигини ошириш чора-тадбирлари тўғрисида»ги ПҚ-3856-сон қарорлари асосида имтиёзли кредитлар оиласий тадбиркорлик, даромад топишга қаратилган муайян меҳнат фаолияти билан шуғуланиш ва фаолият турини кенгайтириш истагини билдирган аҳоли ҳамда тадбиркорлик субъектларига йиллик 8 фоиз ставкада 3-6 ойгача бўлган имтиёзли давр билан 3 йилдан кўп бўлмаган муддатга ажратилади. Бунда, 2020 йил 1 январдан бошлаб кредитлар АТ Халқ банки, «Микрокредитбанк» АТБ ва «Агробанк» АТБ орқали Ўзбекистон Республикаси Марказий банкнинг қайта молиялаштириш ставкасида ажратиши имкониятлари яратилди.

ФОЙДАЛАНИЛГАН АДАБИЁТ ВА ИНТЕРНЕТ САЙТЛАРИ:

1. My.gov.uz
2. Lex.uz
3. Ш.Мирзиёев. “Буюк келажагимизни мард ва олийжаноб халқимиз билан бирга қурамиз”.